

- (3) Ознаке службених звања одштампане су на обрасцу број 5. који је саставни дио овог правилника.

### СЕДМИ ДИО - БОЈА, ОЗНАКА И ОПРЕМА ВОЗИЛА ЗАВОДА

#### Члан 36.

- (1) Возила која користи Завод, обојена су бијелом бојом са траком боје униформе службе обезбјеђења која се протеже од предњих фарова до штоп свјетла са обје стране, ширине 240 мм. На траци великим штампаним словима латиницом и ћирилицом исписано је "ЗАВОДСКА ПОЛИЦИЈА". Слова су бијеле боје висине 80 мм.
- (2) На вратима возача и сувозача возила Завода налази се ознака службе обезбјеђења димензија 250 мм x 250 мм, а на хауби возила је ознака димензија 380 мм x 380 мм.

#### Члан 37.

Возила из члана 36. овог правилника опремљена су:

- уграђеним ротационим свјетлима плаве боје;
- уграђеним уређајем за давање звучних сигнала различитих тонова; и
- уграђеним уређајем за радио-комуникације на посебном каналу.

#### Члан 38.

Возила из члана 36. овог правилника имају предност у саобраћају у складу са важећим законским прописима и посебну бригу саобраћајне полиције.

### ОСМИ ДИО - ЗАВРШНЕ ОДРЕДБЕ

#### Члан 39.

Даном ступања на снагу овог правилника престаје да важи Правилник о ознаци и знаци службе обезбјеђења, боји и ознаци возила службе обезбјеђења, униформи, службеним звањима и ознакама службених звања овлашћених заводских службеника у заводима за извршење кривичних санкција, притвора и других мјера Босне и Херцеговине ("Службени гласник БиХ", број 42/05, 58/08 и 49/11).

#### Члан 40.

Овај правилник ступа на снагу даном објављивања у "Службеном гласнику БиХ".

Број 06-50-7856/11

3. новембра 2011. године  
Сарајево

Министар  
**Бариша Чолак**, с. р.

На основу члана 35. став (1) Закона Босне и Херцеговине о извршењу кривичних санкција, притвора и других мјера - Преčiшћени текст ("Службени гласник БиХ", број 12/10), министар правде Босне и Херцеговине donosi

## PRAVILNIK

### O OZNACI I ZNAČKI SLUŽBE OSIGURANJA, BOJI I OZNACI VOZILA SLUŽBE OSIGURANJA, UNIFORMI, SLUŽBENIM ZVANJIMA I OZNAKAMA SLUŽBENIH ZVANJA OVLAŠTENIH ZAVODSKIH SLUŽBENIKA U ZAVODIMA ZA IZVRŠENJE KRIVICHNIH SANKCIJA, PRITVORA I DRUGIH MJERA BOSNE I HERCEGOVINE

#### DIO PRVI - OPĆA ODREDBA

##### Члан 1.

Овим правилником уређује се садржај и изглед ознаке и значке службе осигурања, боја и ознака возила службе осигурања, боја, крој и врста униформе, службена звања, ознаке и услови за стицање службених звања овлашћених заводских службеника у Заводима за извршење кривичних санкција, притвора и других мјера Босне и Херцеговине (у даљњем тексту: Завод).

#### DIO DRUGI - OZNAKA I ZNAČKA SLUŽBE OSIGURANJA

##### Члан 2.

- (1) Ознака службе осигурања је штитастог облика 110 мм x 110 мм, чији се гornji дио завршава под углом од 120 степени. Израђена је од високо квалитетне камгара тканине боје униформе. Оивићена је траком златножуте боје ширине 5 мм. У гornjem дијелу ознаке великим штампаним словима латиницом и ћирилицом изведен је текст "BOSNA I HERCEGOVINA", а у доњем дијелу ознаке, полукружно "ZAVODSKA POLICIJA". Слова су златножуте боје висине 5 мм. У централном дијелу ознаке на златножутим зрацима распореденим у облику осмokrake звјезде изведен је стилзован грб Босне и Херцеговине. Боје стилзованог грба су идентичне бојама грба Босне и Херцеговине. Димензије грба су 30 мм x 20 мм.
- (2) Ознака службе осигурања носи се на лијевом рукаву вјетровке, кратке јакне и кошуље кратких рукава.
- (3) Ознака службе осигурања одштампана је на обрасцу број 1. који је саставни дио овог правилника.

##### Члан 3.

- (1) Значка службе осигурања је од месинга димензија 70 мм x 70 мм, осмougлог облика у коме су симетрично распоредене crte у облику зрака у чијем се средишту налази грб Босне и Херцеговине, димензија 45 мм x 30 мм. Грб је кружно омеђен кругом тамноплаве боје ширине 6 мм у коме је полукружно исписано великим штампаним словима "ZAVODSKA POLICIJA", латиницом и ћирилицом. Слова су бијеле боје, висине 2,5 мм. У доњем дијелу круга у средини исписан је ознакама бијеле боје број значке. Висина броја је 2,5 мм. Број значке одговара броју службене легитимације.
- (2) Значка службе осигурања носи се на лијевом джепу вјетровке, кратке јакне и кошуље кратких рукава.
- (3) Изглед значке службе осигурања одштампан је на обрасцу број 2. који је саставни дио овог правилника.

##### Члан 4.

- (1) Пločica са именом и презименом припадника службе осигурања носи се на кlapни лијевог джепа вјетровке, кратке јакне и кошуље кратких рукава. Пločica је израђена од месинга, облика правougаоника, димензија 75 мм x 20 мм. На лијевој страни пločice уgraviran је грб Босне и Херцеговине, димензија 13 мм x 10 мм. Име и презиме припадника службе осигурања уgravirano је на десној страни пločice, штампаним словима висине 5 мм. Gravura слова је испunjena црном бојом.
- (2) Изглед пločice је одштампан на обрасцу број 3. који је саставни дио овог правилника.

##### Члан 5.

- (1) Припадници службе осигурања на десном рукаву вјетровке, кратке јакне и кошуље кратких рукава носе ознаку штитастог облика, коју саčinjava грб Босне и Херцеговине. Димензије ознаке су 110 мм x 110 мм и у гornjem дијелу је великим штампаним словима латиницом и ћирилицом исписано "BOSNA I HERCEGOVINA". Слова су златножуте боје, висине 5 мм. Испод натписа је грб Босне и Херцеговине димензија 63 мм x 53 мм у боји идентичној бојама грба Босне и Херцеговине. Подлога ознаке је боје униформе.
- (2) Ознака из става (1) овог члана је одштампана на обрасцу број 4 који је саставни дио овог правилника.

##### Члан 6.

Ознаку на kapi припадника службе осигурања чини грб Босне и Херцеговине у бојама идентичним бојама грба Босне и Херцеговине, димензија 45 мм x 35 мм.

#### DIO TREĆI - UNIFORMA SLUŽBE OSIGURANJA

##### Члан 7.

Униформа службе осигурања је зимска и лjetна, израђена по стандардним величинама, као и униформа за посебне намјене службе осигурања.

##### Члан 8.

- (1) Зимска униформа састоји се од: вјетровке са одговарајућим улошком, kape-beretke, кратке јакне, pantalona, кошуље

dugih rukava, kravate, pulovera na "V" izrez, dubokih cipela, čarapa, potkošulje kratkih rukava, kaiša za pantalone i kožnih rukavica.

- (2) Za žene ovlaštene zavodske službenice zimska uniforma sastoji se, pored dijelova iz stava (1) ovog člana i od suknje, hulahop čarapa, ženskih čizama i tašne.

#### Član 9.

- (1) Ljetna uniforma sastoji se od: kape-beretke, kratke jakne, pantalona, košulje kratkih rukava, kravate, plitkih cipela, čarapa, kaiša za pantalone i kišnog ogrtača.
- (2) Za žene ovlaštene zavodske službenice ljetna uniforma sastoji se pored dijelova iz stava (1) ovog člana i od suknje, hulahop čarapa i tašne.

#### Član 10.

- (1) Dopunski dijelovi uniforme su: zimska jakna sa uloškom, kožne čizme, široki opasač sa futrolama, dodatni okviri za municiju, džepna lampa, kožna torbica i sportska oprema.
- (2) Dopunski dijelovi uniforme i opreme koriste se samo za vrijeme dok pripadnik Službe osiguranja vrši službu u specijalnim uslovima.

#### Član 11.

- (1) Zimska uniforma iz člana 8. ovog pravilnika, osim košulje, cipela, kaiša za pantalone, rukavica i ženske tašne je tamnoplave boje.
- (2) Košulja je svijetloplave boje, cipele, kaiš za pantalone, rukavice, ženske čizme i ženska tašna su crne boje.

#### Član 12.

- (1) Ljetna uniforma iz člana 9. ovog pravilnika, osim košulje, cipela, kaiša za pantalone, čarapa i ženske tašne tamnoplave je boje.
- (2) Košulja kratkih rukava i čarape su svijetloplave boje, cipele kaiš za pantalone i ženska tašna su crne boje.

#### Član 13.

- (1) Uniforma za posebne namjene sastoji se od jakne, pantalona, košulje dugih rukava, košulje kratkih rukava, potkošulje kratkih rukava, kape i dubokih čizama. Sva oprema je tamnoplave boje.
- (2) Pripadnicima službe osiguranja koji su upućeni da obavljaju posebne poslove i zadatke, osim uniforme iz stava 1. ovog člana, pripada i specijalna oprema, koja podrazumijeva: sigurnosni pancir, opasač sa futrolama, policijski šljem, lišice za ruke, gumenu palicu, motorolu i sprej za ličnu zaštitu.
- (3) Specijalna oprema iz stava 2. ovoga člana će se koristiti u skladu sa pozitivnim zakonskim propisima i sa najboljom evropskom zatvorskom praksom i standardima vezanim za upravljanje zatvorskim ustanovama.

### DIO ČETVRTI - OBLIK (KROJ) UNIFORME I DIJELOVA UNIFORME SLUŽBE OSIGURANJA

#### Član 14.

- (1) Ovlašteni zavodski službenici su dužni prilikom obavljanja službene dužnosti nositi uniformu i propisane oznake službenih zvanja, u skladu sa ovim pravilnikom.
- (2) Izuzetno od odredbe stava (1) ovog člana, upravnik može odrediti da ovlašteni zavodski službenik prilikom obavljanja određene službene dužnosti ne nosi uniformu.

#### Član 15.

- (1) Sirovinski sastav zimske uniforme službe osiguranja je sljedeći:
- kapa-beretka, kratka jakna, pantalone i suknja izrađeni su od kamgama sastava 60% vuna i 40% poliester, težine 450 do 480 g/m,
  - vjetrovka izrađena je od nepromočivog poliester/poliamida (85% PES - 15% FILM IMPER), težine 195-240 g/m,
  - košulja dugih rukava izrađena je od pamuka 70% i poliester 30%, težine 150-170 g/m,
  - kravata izrađena je od vještačke svile,
  - pulover na "V" izrez izrađen je od vune 50% i sintetičkih vlakana 50%, sitnog tkanja i bez rukava,

- duboke cipele, ženske čizme, ženska tašna, kaiš za pantalone i rukavice izrađeni su od prirodne kože,
- čarape izrađene su od pamuka 60% i poliamida 40%,
- potkošulja izrađena je od pamuka 100%,
- ulošci i postavice uniforme izrađeni su od pamučno - sintetičke tkanine,
- hulahop čarape izrađene su od poliester 80% i likre 20%, 20 dena.

- (2) Sirovinski sastav ljetne uniforme službe osiguranja je sljedeći:

- kapa-beretka, kratka jakna, pantalone i suknja izrađeni su od tergal sastava 60% vuna i 40% poliester, težine 300 do 320 g/m<sup>2</sup>,
- košulja kratkih rukava izrađena je od pamuka 70% i poliester 30%, težine 150-170 g/m<sup>2</sup>,
- plitke cipele i kaiš za pantalone izrađeni su od prirodne kože,
- kišni ogrtač izrađen je od 100% nepromočivog poliester/poliamida gumiranog,
- čarape izrađene su od pamuka 60% i poliamida 40%,
- hulahop čarape izrađene su od poliester/poliamida 80% i likre 20%, 20 dena.

- (3) Uniforma za posebne namjene službe osiguranja izrađena je:

- kratka jakna od proline-poliester 100% vodootporan, težine 200-245 g/m,
- pantalone od pamuka 50% i poliester 50%, tkanina keper, težine 230-240 g/m,
- košulja dugih i kratkih rukava od pamuka 70% i poliester 30%, težine 150-170 g/m,
- potkošulja kratkih rukava od 100% pamuka, tamnoplave boje i okrugli vrat,
- čizma duboka od hidrofobirane - vodootporne kože na 8 sati.

#### Član 16.

- (1) Dijelovi uniforme pripadnika službe osiguranja su sljedećeg oblika i kroja:

- Vjetrovka je uobičajenog kroja dužine do iznad koljena izrađene od nepromočivog materijala sa sintetičkom postavom i sa termo uloškom koji se može skinuti. Naprijed su dva prsna džepa sa patnom koja se zakopčava drikrom. Patna je postavljena pod imitaciju satla. Na prednjici su dva donja dupla džepa našiveni sa po dvije strane, s jedne strane je otvor za kosi džep, iznad džepova su našivene patne koje se kopčaju s dva drikera, patne i džepovi su šepani s dva šepa, prvi šep širine 2 mm, a drugi od prvog 10 mm. Jakna se naprijed kopča patent - zatvaračem 10 cm od poruba prema gore do špica kragne. Na desnoj prednjici naprijed našivena je blenda - lajsna širine 7 cm, koja je šepana s dva šepa kao patne. Na blendu su stavljena tri drikera. Leđa su iz dva dijela, u struku je prišivena guma s dva šepa širine 15 mm. Rukavi su šireg kroja u orukavlju se šepaju šepom 2 mm. Na akslu se stavlja paleta koja je jednim krajem ušivena u orukavlje rukava, na drugom kraju palete kopča se dugmetom i rupicom, na paleti se stavlja funkcionalna oznaka. Na sredini donje kragne stavlja se patent zatvarač dužine 20 cm na koji se našiva kapuljača. Kapuljača je iz tri dijela, kada nije u funkciji stavlja se u kragnu i zakopčava patent zatvaračem. U rub kapuljače uvlači se vrpca dužine 100 cm, služi za regulisanje kapuljače. Na lijevoj strani postave je džep brustašna. U rukavskoj postavi 15 cm iznad poruba rukava stavlja se ranfla od rendera. Termo uložak se po potrebi može skidati, izrađen je od filsa i za vjetrovku se učvršćuje pomoću rajfseršlusa. U prednjem donjem dijelu nalaze se dva kosa unutrašnja džepa. Rukavi uloška se završavaju renderom i dugmetom se kači na vjetrovku.
- Kratka jakna je postavljena postavom i kopča se patent zatvaračem, od lajsne do fazona, patent zatvarač je skriven rubom lijeve strane prednjice na koja su stavljena tri drikera. Naprijed sa dva prsna džepa sa patnom i dva donja džepa sa lajsnom. Gornji džepovi se kopčaju drikrom. Prednjica je pojačana - lijepljena fiksrom. Leđa su sječena u struku i iberšepana jednim šepom

- širine 5 mm. Gornji dio leđa sastoji se od tri dijela, na lijevoj i desnoj strani imaju dvije faltne dubine 4,5 cm, štepene štepom 5 mm, sa jednom ringlom faltne su učvršćene od aksle prema dole 8 cm. Na jaknu u donjem dijelu našiva se lajsna širine 5 cm sa lijeve strane lajsna je produžena 5 cm na produžetak se stavlja driker, sa strane jakne u donjem dijelu prednjice i leđa na lajsnu stavlja se španga dužine 9 cm, na kojoj se pravi rupica i na lajsnu prišivaju dva dugmeta u razmaku 6 cm. Rukavac je komotnog kroja na dnu ruba rukava našiva se lajsna širine 5 cm. Kopča se rupicom i dugmetom od prvog je udaljena 4 cm. Iznad lajsne rukava su po dvije faltne okrenute prema lakatnom šavu. Na aksli u orukavlje ušiva se paleta - naramenice na drugom kraju do kragne paleta se kopča dugmetom kroz rupicu. Kragna jakne je sa štepom koji se razšepa. Rub kragne šepom je sa jednim štepom širine 5 mm kao i fazoni rubovi kontova, lajsne, patne i špange. Jakna je postavljena kvalitetnom postavom sa dva džepa - brustašne na lijevoj strani postave džep se zatvara patent zatvaračem, vrh džepa pravi se od štofa.
- c) Pantalone imaju dva džepa naprijed kosa, rub džepa je štepan štepom širine 5 mm, otvor džepa je 16 cm, učvršćen ringlama na desnoj strani zadnjice nalazi se džep kopča se dugmetom. Na prednjicama kod pojasa su dvije faltne dubine 2 cm, okrenute prema nazad. Prednjice hlača su sa unutrašnje strane postavljene postavom do ispod koljena. U sjedalju su pojačane sa bajlagom. Šlic naprijed se kopča sa patent zatvaračem, iznad šlica na pojasu stavlja se kopča i jedno dugme na produženom pojasu. Donji dio šlica učvršćuje se ringlom. Na gornji dio hlača našiva se pojas iz dva dijela sa osam gajki. Širina pojasa je 4 cm, a gajke se učvršćuju 2 cm ispod pojasa. Na donjem dijelu hlača - nogavica našiva se zaštitna vrpca.
- d) Kapa-beretka je uobičajenog oblika. Postavljena je uobičajenim materijalom. Donji rub kape je opšiven uskim einfasom od kože širine 1 cm. U kožni opšiv je uvučena vrpca za podešavanje veličine. Na dance se postavljaju dvije metalne ringlice odgovarajuće boje. Na kapi se s prednje lijeve-desne strane postavlja propisna oznaka.
- e) Košulja je uobičajenog oblika i kroja. Na prednjoj strani se nalaze dva džepa sa aiber štepom lajsnom i patnama koje su ojačane, na lijevoj strani prednjice se našiva lajsna širine 3 cm, na kojoj se nalaze rupice za dugmad. Rukavi se završavaju mandžetnima. Na košulji sa kratkim rukavima nalaze se naramenice od iste tkanine kao i košulja, i izrađene su tako da se na njih mogu navući naramenice s oznakama službenih zvanja.
- f) Kravata je uobičajenog oblika i dužine, podešena za zakopčavanje gumom.
- g) Pulover sa "V" izrezom je standardne veličine sa ranflom oko izreza.
- h) Kaiš za pantalone se izrađuje od prirodne kože i godure, dužine 1050-1200 mm debljine 2,5 mm i širine 30 mm, a zakopčava se kopčom širine 40,5 mm i dužine 70 mm izrađenom od matiranog dekapiranog lima.
- i) Rukavice se izrađuju od prirodne kože, uobičajenog kroja.
- j) Cipele su uobičajenog kroja, izrađuju se od prirodne kože sa lijepljenim, rebastim, gumenim donom, bez ukrasa, na vezivanje.
- k) Suknja je standardnog kroja. Na sredini donjeg dijela nalazi se polufalna dužine 350 - 400 mm. Na lijevoj strani u pojasu suknja se pričvršćuje kopčom i patent - zatvaračem. Postavljena je postavom od odgovarajućeg materijala i boje. Dužina suknje je po pravilu do sredine listova noge.
- l) Ženska tašna se izrađuje od kože sa podesivim kaišom za nošenje preko ramena. Tašna ima dvije pregrade a zatvara se poklopcem i patent zatvaračem.
- m) Ženske čizme se izrađuju od prirodne kože, postavljene su i imaju petu do 45 mm. Šare dopiru do polovine listova noge. Kopčaju se rajfešlusom.
- n) Čarape i hulaopke su uobičajenog oblika i veličine, ojačane na peti i prstima.
- o) Potkošulje su klasičnog izgleda i kroja sa kratkim rukavima, tamnoplave boje.
- p) Kišni ogrtač je uobičajenog kroja izrađen od nepromotivog materijala, podešen za prikopčavanje uloška vjetrovke, dužine polovine natkoljenice i ima kapuljaču podešenu za skidanje. Zakopčava se sa četiri dugmeta, a sa lijeve i desne strane prednjice nalaze se kose lajsne - imitacija džepova. Kišni ogrtač je od okovratnika pa do sredine grudi i preko pleća ojačan istim materijalom od kojeg je izrađen, a na plećima ispod ojačanja, kao i ispod pazuha ušivena je mrežasta traka. Naramenice na kišnom ogrtaču su od istog materijala i izrađene su tako da se na njih mogu postaviti naramenice sa činovima.
- (2) Uniforma za ovlaštene zavodske službenice je istog kroja kao za muškarce, ali se prilikom izrade podešava anatomskoj građi žene i uobičajenom načinu kopčanja.

#### Član 17.

Dijelovi uniforme za posebne namjene službe osiguranja su sljedećeg oblika i kroja:

- a) Jakna uniforme za posebne namjene se kopča metalnim patent zatvaračem, ima naramenice i sintetičku kragnu tamnoplave boje, a ista se u donjem dijelu završava pletenom sintetičkom lajsnom od istog materijala kao i kragna. Na rukavima se nalazi grb Bosne i Hercegovine i oznaka zavodske policije. Jakna je postavljena lakšom, višestruko štepanom postavom, na kojoj se nalaze ravni džepovi sa plastičnim zatvaračem.
- b) Pantalone uniforme za posebne namjene imaju dva koso ušivena džepa naprijed, a na lijevoj strani ispod džepa našiven je i novi džep dužine 220 mm i širine 200 mm koji sa unutrašnje strane ima čičak za zatvaranje džepa. Na desnoj strani zadnjice nalazi se jedan džep sa patnom. Šlic se naprijed kopča plastičnim zatvaračem. Pojas je širine 50 mm sa 8 gajki, a nogavice imaju zaštitnike i gumene štitnike, koji ne daju da se pantalone izvlače iz čizama i čičak za stezanje nogavica.
- c) Kapa je platnena, sastavljena iz šest dijelova, tamnoplave boje, džokejskog kroja sa polukružnim štitnikom za sunce širine 70 mm i otvorom na potiljku širine 120 mm, koji je povezan sa platnom trakom širine 20 mm i dužine 160 mm i fiksirana na lijevoj strani, te patent metalne kopče postavljene na platnenoj traci ukupne dužine 60 mm i širine 20 mm. Donji rub kape je opšiven uskim ajnfasom. Sa gornje strane kape na svakom od 6 dijelova napravljen je manji kružni otvor za provjetranje. Grb Bosne i Hercegovine se nalazi na sredini prednjeg dijela kape, a postavljen je na visini od 33 mm od ruba štitnika za sunce.
- d) Čizma je kožna, duplo šivena i zaštićena od vode, gazni dio je od prirodne gume. Određen je sistem brzog vezivanja, a unutar čizme ugrađen je tabanistički uložak od mreža istog vlakna, četiri sloja. Čizma je opremljena sistemom pokretnih metalnih krampona za bezopasan pokret po zaleđenim i klizavim površinama.

#### Član 18.

- (1) Zimska uniforma po pravilu se nosi od 16. oktobra do 30. aprila, a ljetna od 01. maja do 15. oktobra kalendarske godine.
- (2) Ministar pravde Bosne i Hercegovine može izmijeniti vrijeme nošenja uniforme propisano u stavu (1) ovog člana, u zavisnosti od vremenskih uslova.

#### Član 19.

- (1) Uniforma za posebne namjene službe osiguranja po pravilu se nosi u sljedećim slučajevima: pomoć sudskoj policiji u cilju sprovođenja zatvorenika i pritvorenih lica u zdravstvene ustanove, osiguranje i čuvanje pritvorenih lica i zatvorenika u zdravstvenim ustanovama, unutrašnje intervencije u zavodima u slučajevima pobune, uzimanja talaca, barikadiranje kao i nasilničkog ili drugog posebno opasnog ponašanja koje narušava sigurnost zavoda ili predstavlja ozbiljnu opasnost za sistem izvršenja kazne zatvora ili pritvora, kao i u drugim situacijama i poslovima koji ne predstavljaju redovnu aktivnost zavodske policije.
- (2) Odluku o korištenju uniforme za posebne namjene donosi upravnik zavoda.

(3) Uniforma za posebne namjene službe osiguranja će se koristiti kada ministar pravde posebnom odlukom odredi kojim pripadnicima službe osiguranja pripada pravo na upotrebu uniforme za posebne namjene i specijalne opreme za poslove i zadatke iz stava (1) ovog člana.

#### Član 20.

Ovlašteni zavodski službenik je dužan uniformu uredno održavati. O urednom održavanju uniforme i dopunskih dijelova uniforme stara se komandir odjeljenja.

#### Član 21.

Nije dozvoljeno kombinovano nošenje dijelova zimske i ljetne uniforme ili dijelova uniforme i civilnog odijela.

#### Član 22.

Ovlaštena zavodska službenica ne nosi uniformu sve vrijeme trudnoće.

#### Član 23.

Prestankom radnog odnosa ovlašteni zavodski službenik vraća zavodu svu uniformu i dopunske dijelove uniforme osim: cipela, čarapa, potkošulja, košulja, kaiša za pantalone i rukavica.

#### Član 24.

(1) Svaki dio uniforme ima svoj upotrebn rok trajanja. Rokovi trajanja pojedinih dijelova uniforme računaju se od dana zaduženja.

(2) Za pojedine dijelove uniforme službe osiguranja određuju se sljedeći rokovi trajanja:

Red-ni broj	Naziv	Količina zaduženja komada - pari	Rok trajanja u mjesecima
a)	<b>zimski muška uniforma</b>		
1.	kapa-beretka	1	24
2.	vjetrovka	1	36
3.	kratka jakna	1	24
4.	pantalone	1	24
5.	pulover	1	24
6.	košulja - dugi rukav	2	24
7.	potkošulja - kratki rukav	2	12
8.	rukavice	1	36
9.	čarape	5	12
10.	kaiš za pantalone	1	48
11.	kravata	1	24
12.	cipele duboke	1	24
b)	<b>zimski ženska uniforma</b>		
13.	dijelovi kao pod red. br. od 1-11		
14.	zimski čarape	1	24
15.	suknja	1	24
16.	hulahop čarape	3	12
17.	kožna tašna	1	36
18.	kožne čizme	1	24
c)	<b>ljetna muška uniforma</b>		
19.	kapa-beretka	1	24
20.	kratka jakna	1	24
21.	pantalone	1	24
22.	košulja - kratki rukav	2	24
23.	cipele plitke	1	12
24.	čarape	5	12
25.	kišni ogrtač	1	36
d)	<b>ljetna ženska uniforma</b>		
26.	dijelovi kao pod red. br. 19-25		
27.	suknja	2	24
28.	hulahop čarape	5	6
e)	<b>dopunski dijelovi uniforme</b>		
29.	zimski jakna sa uloškom	1	48
30.	kožne čizme	1	48
31.	široki opasač sa futrolama	1	-

32.	dodatni okviri za municiju	1	-
33.	džepna lampa	1	-
34.	sportska oprema	1	24
f)	uniforma za posebne namjene		
35.	jakna	1	24
36.	pantalone	1	24
37.	košulja - dugi rukav	2	24
38.	košulja - kratki rukav	2	24
39.	potkošulja - kratki rukav	2	12
40.	čizme duboke	1	36
41.	kapa	1	24

## DIO PETI - SLUŽBENA ZVANJA OVLAŠTENIH ZAVODSKIH SLUŽBENIKA

#### Član 25.

Službena zvanja ovlaštenih zavodskih službenika određuju se prema stepenu stručne spreme, vrsti i složenosti poslova i radnom iskustvu.

#### Član 26.

- Službena zvanja ovlaštenih zavodskih službenika mogu biti osnovna i posebna.
- Osnovno službeno zvanje utvrđuje se pravilnikom o unutrašnjoj organizaciji zavoda, a posebno službeno zvanje određuje se rješenjem.

#### Član 27.

Osnovna službena zvanja službe osiguranja su:

- ovlašteni zavodski službenik- za lica sa srednjom stručnom spremom,
- komandir smjene službe osiguranja - za lica sa višom stručnom spremom.
- komandir odjeljenja službe osiguranja - za lica sa visokom stručnom spremom.

#### Član 28.

Posebna službena zvanja službe osiguranja su:

- za ovlaštenog zavodskog službenika: stariji ovlašteni zavodski službenik i stariji ovlašteni zavodski službenik prve klase,
- za komandira smjene službe osiguranja: stariji komandir smjene i stariji komandir smjene prve klase,
- komandir odjeljenja službe osiguranja je, po pravilu, rukovodeći službenik koji upravniku zavoda pomaže u rukovođenju u pojedinim oblastima rada.

#### Član 29.

Službeno zvanje ovlaštenog zavodskog službenika stiče lice koje ima srednju školsku spremu i položen ispit za zvanje ovlaštenog zavodskog službenika.

#### Član 30.

Službeno zvanje komandira smjene službe osiguranja stiče lice koje ima završenu višu školsku spremu i položen stručni ispit za zvanje komandira smjene službe osiguranja.

#### Član 31.

Službeno zvanje komandir odjeljenja službe osiguranja stiče lice koje ima završenu visoku stručnu spremu i položen stručni ispit za zvanje komandira odjeljenja službe osiguranja.

#### Član 32.

Posebna službena zvanja službe osiguranja iz člana 28. ovog pravilnika stiču se na način i pod uslovima propisanim za posebna službena zvanja službenika u organima uprave Bosne i Hercegovine.

#### Član 33.

Službena zvanja ovlaštenog zavodskog službenika stečena po ranijim propisima i položen stručni ispit za ova zvanja do stupanja na snagu ovog pravilnika priznaju se kao zvanja utvrđena ovim pravilnikom.

**ŠESTI DIO - OZNAKE SLUŽBENIH ZVANJA**

## Član 34.

Oznaka službenog zvanja za pripadnike službe osiguranja u Zavodu utvrđuju se na osnovu poslova i zadataka koje pripadnik službe osiguranja obavlja.

## Član 35.

- (1) Oznake službenih zvanja pripadnika službe osiguranja izrađuju se na podlozi boje uniforme dimenzija 60 mm x 40 mm, a nose se na naramenicama vjetrovke, kratke jakne i košulje kratkih rukava.
- (2) Oznake službenih zvanja su:
  - a) za ovlaštenog zavodskog službenika podloga oznake je oivičena trakom bijele boje širine 3 mm, a u sredini je vodoravna traka bijele boje širine 5 mm i dužine 40 mm;
  - b) za starijeg ovlaštenog zavodskog službenika oznaka je ista kao za ovlaštenog zavodskog službenika, samo s dvije trake istih dimenzija;
  - c) za starijeg ovlaštenog zavodskog službenika prve klase oznaka je ista kao za ovlaštenog zavodskog službenika, samo s tri trake istih dimenzija;
  - d) za komandira smjene službe osiguranja podloga za oznaku je oivičena zlatnožutom trakom širine 3 mm, a u sredini je vodoravna traka zlatnožute boje širine 5 mm i dužine 40 mm;
  - e) za starijeg komandira smjene službe osiguranja oznaka je ista kao za komandira smjene s tim što je dodana još jedna traka širine 5 mm;
  - f) za starijeg komandira smjene prve klase oznaka je kao za komandira smjene s tim što su dodane dvije trake širine 5 mm;
  - g) za komandira odjeljenja službe osiguranja oznaka je kao i za komandira smjene, s tim što ima dvije trake od kojih je prva vodoravna zlatnožuta traka širine 15 mm i dužine 40 mm, a druga širine 5 mm i dužine 40 mm.
- (3) Oznake službenih zvanja odštampane su na obrascu broj 5. koji je sastavni dio ovog pravilnika.

**SEDMI DIO - BOJA, OZNAKA I OPREMA VOZILA ZAVODA**

## Član 36.

- (1) Vozila koja koristi Zavod, obojena su bijelom bojom sa trakom boje uniforme službe osiguranja koja se proteže od prednjih farova do štop svjetla sa obje strane, širine 240 mm. Na traci velikim štampanim slovima latinicom i ćirilicom ispisano je "ZAVODSKA POLICIJA". Slova su bijele boje visine 80 mm.
- (2) Na vratima vozača i suvozača vozila Zavoda nalazi se oznaka službe osiguranja dimenzija 250 mm x 250 mm, a na haubi vozila je oznaka dimenzija 380 mm x 380 mm.

## Član 37.

Vozila iz člana 36. ovog pravilnika opremljena su:

- a) ugrađenim rotacionim svjetlima plave boje;
- b) ugrađenim uređajem za davanje zvučnih signala različitih tonova, i
- c) ugrađenim uređajem za radio-komunikacije na posebnom kanalu.

## Član 38.

Vozila iz člana 36. ovog pravilnika imaju prednost u saobraćaju u skladu sa važećim zakonskim propisima i posebnu brigu saobraćajne policije.

**OSMI DIO - ZAVRŠNE ODREDBE**

## Član 39.

Danom stupanja na snagu ovog pravilnika prestaje da važi Pravilnik o oznaci i znački službe osiguranja, boji i oznaci vozila službe osiguranja, uniformi, službenim zvanjima i oznakama službenih zvanja ovlaštenih zavodskih službenika u zavodima za izvršenje krivičnih sankcija, pritvora i drugih mjera Bosne i Hercegovine ("Službeni glasnik BiH", broj 42/05, 58/08 i 49/11).

## Član 40.

Ovaj pravilnik stupa na snagu danom objavljivanja u "Službenom glasniku BiH".

Broj 06-50-7856/11  
3. novembra 2011. godine  
Sarajevo

Ministar  
**Bariša Čolak**, s. r.

Na temelju članka 35. stavak (1) Zakona Bosne i Hercegovine o izvršenju kaznenih sankcija, pritvora i drugih mjera - Pročišćeni tekst ("Službeni glasnik BiH", broj 12/10), ministar pravde Bosne i Hercegovine donosi

**PRAVILNIK**

**O OZNACI I ZNAČKI SLUŽBE OSIGURANJA, BOJI I OZNACI VOZILA SLUŽBE OSIGURANJA, ODORI, SLUŽBENIM ZVANJIMA I OZNAKAMA SLUŽBENIH ZVANJA OVLAŠTENIH ZAVODSKIH SLUŽBENIKA U ZAVODIMA ZA IZVRŠENJE KAZNENIH SANKCIJA, PRITVORA I DRUGIH MJERA BOSNE I HERCEGOVINE**

**DIO PRVI - OPĆA ODREDBA**

## Članak 1.

Ovim pravilnikom uređuje se sadržaj i izgled oznake i značke službe osiguranja, boja i oznaka vozila službe osiguranja, boja, kroj i vrsta odore, službena zvanja, oznake i uvjeti za stjecanje službenih zvanja ovlaštenih zavodskih službenika u Zavodima za izvršenje kaznenih sankcija, pritvora i drugih mjera Bosne i Hercegovine (u daljnjem tekstu: Zavod).

**DIO DRUGI - OZNAKA I ZNAČKA SLUŽBE OSIGURANJA**

## Članak 2.

- (1) Oznaka službe osiguranja je štitastog oblika 110 mm x 110 mm, čiji se gornji dio završava pod kutom od 120 stupnjeva. Izrađena je od visoko kvalitetne kamgarn tkanine boje odore. Oivičena je trakom zlatnožute boje širine 5 mm. U gornjem dijelu oznake velikim tiskanim slovima latinicom i ćirilicom izvezen je tekst "BOSNA I HERCEGOVINA", a u donjem dijelu oznake, polukružno "ZAVODSKA POLICIJA". Slova su zlatnožute boje visine 5 mm. U centralnom dijelu oznake na zlatnožutim zracima raspoređenim u obliku osmokrake zvijezde izvezen je stiliziran grb Bosne i Hercegovine. Boje stiliziranog grba su identične bojama grba Bosne i Hercegovine. Dimenzije grba su 30 mm x 20 mm.
- (2) Oznaka službe osiguranja nosi se na lijevom rukavu vjetrovke, kratke jakne i košulje kratkih rukava.
- (3) Oznaka službe osiguranja otiskana je na obrascu broj 1 koji je sastavni dio ovoga pravilnika.

## Članak 3.

- (1) Značka službe osiguranja je od mesinga dimenzija 70 mm x 70 mm, osmokutnoga oblika u kojemu su simetrično raspoređene crte u obliku zraka u čijem se središtu nalazi grb Bosne i Hercegovine, dimenzija 45 mm x 30 mm. Grb je kružno omeđen krugom tamnoplave boje širine 6 mm u kojemu je polukružno ispisano velikim tiskanim slovima "ZAVODSKA POLICIJA", latinicom i ćirilicom. Slova su bijele boje, visine 2,5 mm. U donjem dijelu kruga u sredini ispisane su oznakama bijele boje broj značke. Visina broja je 2,5 mm. Broj značke odgovara broju službene iskaznice.
- (2) Značka službe osiguranja nosi se na lijevom džepu vjetrovke, kratke jakne i košulje kratkih rukava.
- (3) Izgled značke službe osiguranja otiskan je na obrascu broj 2. koji je sastavni dio ovoga pravilnika.


## Članak 4.

- (1) Pločica sa imenom i prezimenom pripadnika službe osiguranja nosi se na klapni lijevog džepa vjetrovke, kratke jakne i košulje kratkih rukava. Pločica je izrađena od mesinga, oblika pravokutna, dimenzija 75 mm x 20 mm. Na lijevoj strani pločice ugraviran je grb Bosne i Hercegovine,

Образак бр. 1



Образак бр. 3



Образак бр. 2




Образак бр. 4




## Образак бр. 5


### Ознака службених звања заводских службеника



Овлашћени заводски службеник



Старији овлашћени заводски службеник




Старији овлашћени заводски службеник  
I класе



Командир смјене  
службе осигурања



Старији командир смјене  
службе осигурања



Старији командир смјене  
службе осигурања I класе



Командир одјелjenja  
службе осигурања